



Tusagassiorfinnut nalunaarut Pressemeddelelse

Kalaallit Nunaanni illut nukissiuutinik atuinerannik naatsorsuinermit ikiortissaq

Kalaallit Nunaanni illuni nukissiuutinik atuineq annikillisinneqartussaavoq. Pc-programi BE10 atorlugu illumi nukissiuutit pisariaqartinneqartut aalajangerneqarsinnaapput, taamatullu illumi illuliornermut malittarisassani nukissiornermut aalajangersakkat malinneqarnersut paasineqarsinnaalluni. Ineqarnermut, Attaveqarnermut Angallanermullu Naalakkersuisup Jens B. Frederiksenip periarfissaq nutaaq taanna nuannaarutigaa, neriupporlu illuliornerup ullumikkornit pitsaanerulernissaanut qulakkeeriniarnermi iluaqutaasinnaassasoq.

Ukiualuit matuma siornatigut Ineqarnermut, Attaveqarnermut Angallanermullu Naalakkersuisoqarfik Statens Byggeforskningsinstitut-imut (SBI) suleqatigiinnissamik isumaqatigiissuteqarpoq. Suleqatigiinnerup inernerisaanik ineqarnermi suliniutit arlallit pinngorput, taakkununggalu pc-programi Kalaallit Nunaanni illuutit nukissiuutinik atuinerannik naatsorsuisinnaanermut atorneqartussap ineriartortinneqarnera ilaavoq.

”Kalaallit Nunaanni ineqarnermi ilisimatusartussanik pilersitsinissamut periarfissavut annertunngillat. Taamaattumik SBI suleqatigalugu Kalaallit Nunaanni illuliornermi, taamaalillunilu ineqarnermi pissutsinik pitsanngorsaaniarluta suliniutinik ineriartortisisinnaagatta nuannaarutigaa. Tamanna pitsaassutsit qaffannerinut qulakkeerissutaasussaavoq”, Jens B. Frederiksen oqarpoq.

Titartakkani siullerni nukissamik pisariaqartitsineq ilanngunneqartarfi

Sanatitsisutut pilersaarusiortutulluunniit pitsaasunik nukimillu atuinikitsunik illuliorniaraanni piumasaqaatit naammassineqartussat amerlapput. Piumasaqaatit taakku ilaat illuliornermut malittarisassani inatsisinilu allani takuneqarsinnaapput. Illuliassap pilersaarusioreqarnerani piumasaqaatit allat ilassutigineqartariaqarput. Aallaqqaammulli titartaanerni siullerni nukissiornermut tunngasut ilanngunnerisigut pitsaanerpaamik aaqqiinissap anguneqarnissaanut periarfissat annertusitinneqartussaapput.

Pc-programi Be10 Aalborg Universitet-imi Statens Byggeforskningsinstitut-imit (SBI) suliarineqarpoq, programimilu silamut paasissutissani aallaqqaammut Danmarkimi pissutsit aallaavigineqarput. Maannakkulli Kalaallit Nunaanni silamut paasissutissat aamma toqqarneqarsinnaalerput. Nukissiuuteqarnermut sinaakkutissat eqqarsaatigalugit Kalaallit Nunaat killeqarfinnut marlunnut avitaavoq, killeqarfik 1 qaasuitsup killeqarfiata kujataanut tunngasuulluni, aammalu killeqarfik 2 qaasuitsup killeqarfiata avannaanut tunngasuulluni, taamaattumillu Be10-mi Nuummit uummannamillu paasissutissanik aallertoqarsinnaavoq. Programmip ikkunneqarneranut atatillugu silamut paasissutissanik toqqaasoqarsinnaavoq, kisiannili aamma silamut

30-11-2012
Sags nr. 2012-077683
Dok. nr. 1080028

Postboks 909
3900 Nuuk
Tlf. (+299) 34 50 00
Fax (+299) 34 54 10
E-mail: iaan@nanoq.gl
www.nanoq.gl

paasissutissat SBI-p nittartagaanut aaneqarsinnaapput, tassanilu silamut paasissutissat assigiinngitsut taakku akornanni paarlakaassisoqarsinnaalluni.

Be10-mi naatsorsueriaatsimi taamaallaat illuliornermut malittarisassani nukissiornermut aalajangersakkanut atatillugu illup nukissiuutini pisariaqartitsineranik aalajangersaanissaq siunertarinearpoq. Naatsorsuinermi illup atortullu eqqortumik pilersaarusiorneqarnissaat, annertussusilerneqarsimanissaat sananeqarsimanissaallu piumasarineqarpoq. Programi aamma illuni pioreersuni nukissiuutini sipaarnissamut suliniutit iluaqutaanerini paasiniaanermut atorneqarsinnaavoq. Kisiannili naatsorsueriaaseq sanaartukkanik atortulersuutinillu annertussusiliinermut atorneqarsinnaanngilaq.

Be10 internetikkut pisiariuk

Naatsorsuisarnermut programi Be10 SBI-p nittartagaani pisiarisinnaavat, uani: www.sbi.dk/be10. Atuisumut ataatsimut ukiumilu ataatsimi atuinissamut 2.800 koruuninik (moms ilanngunnagu) akeqarpoq. Tamatuma kingorna SBI-p nittartagaa aqutigalugu programmip nutartertarnissaanut ukiumut atuinermut 1.200 koruuninik akiliisoqartassaaq. Programimut SBI-p innersuussutaanut 213-imut ilitsersuut, *Illuni nukissamik pisariaqartitsineq*, ilaavoq, tassanilu programmip qanoq atorneqartarnissaa nassuiaatigineqarpoq.

Programi innersuussullu pingaartumik ingeniørinut, illussanik titartaasartunut, entreprenørinut aammalu pisortani oqartussaasunut saaffiginnittuupput, atuartussallu teknikkikkut ilisimasaqarnissaa aammalu illuliornermut malittarisassani aalajangersakkanik attuumassutilinnik ilisimasaqarnissaa pisariaqarpoq.

Illuliornermut malittarisassani nukissiornermut piumasaqaatit pillugit annertunerusumik atuagaqarit, uani: <http://www.nanog.gl>.


Annertunerusumik paasisaqarusunnermi saaffigineqarsinnaavoq, ilisimatusarnermi pisortaq Søren O. Aggerholm, telefon +45 9940 2397, e-mail soa@sbi.aau.dk.

SBi-anvisning 213
Bygningers energibehov



Statens Byggeforskningsinstitut
AALBORG UNIVERSITET

2. udgave 2011



SBi-p innersuussutaa 213, *Illuni nukissiornermut pisariaqartitsineq.*